

dirigendi uel gradus cum quo ipse significator mediat coelum uel abyssum, ab angulo mediij coeli si fuerit super terram, uel ab angulo mediae noctis, si fuerit sub terra per modum superius dictum, post hoc scias gradus ascensionum, qui sunt inter gradum significatoris dirigendi, uel gradum cum quo ipse significator mediat coelum uel abyssum, & gradum planetae uel stellae ad quem uolueris dirigere, uel gradum cum quo ipse planeta uel stella mediat coelum uel abyssum in circulo directo, seu prima directio. Scias etiam gradus ascensionum, qui sunt inter gradum significatoris dirigendi, uel gradum cum quo oritur significator dirigendus, si fuerit in medietate orientali, & gradum planetae uel stellae ad quem uolueris dirigere, uel gradum cum quo ipse planeta uel stella oritur in circulo regionis. Sed si significator dirigendus fuerit in medietate occidentali, operare per nadir gradus significatoris dirigendi uel per nadir gradus cum quo ipse significator occidit, & per nadir gradus planetae uel stellae ad quem uolueris dirigere, uel per nadir gradus cum quo occidit ipse planeta uel stella & gradus ascensionum circuli regionis, seu secunda directio. Post haec scias differentiam quae fuerit inter has duas directioes, cuius differentiae accipe sextam partem, et ipsam multiplica per horas longitudinis significatoris dirigendi ab angulo, aut totam differentiam multiplica per horas longitudinis significatoris ab angulo, & dictarum operationum adde super directionem primam, quae fuit directio circuli regionis, uel ab ea minue si fuerit maior, & quod inde prouenerit serua, quia est quantitas directionis quaesita. Poteris etiam operari si uolueris per longitudinem significatoris dirigendi ab angulo orientis, aut ab angulo occidentis, nec differt haec operatio ab operatione praecedenti, nisi quia directio circuli regionis erit directio prima, & directio circuli directi erit secunda directio. Et si significator dirigendus fuerit in medietate orientali, operari debes per gradum significatoris dirigendi, et per gradum planetae uel stellae ad quem uolueris dirigere, aut per gradum cum quo uterque ipsorum oritur. Sed si significator dirigendus fuerit in

medie